



UNIVERZITET U SARAJEVU - UNIVERSITY OF SARAJEVO
ŠUMARSKI FAKULTET - FACULTY OF FORESTRY

Zagrebačka 20, 71000 Sarajevo, BiH • Tel.: + 387 33 812 490, 812 491; Fax: + 387 33 812 488

Matični broj: 4200494560198 • PDV broj: 200494560007

KS u Sarajevu, Broj rješenja: 065-0-Reg-19-002234

e-mail: info@sfsa.unsa.ba • racunovodstvo@sfsa.unsa.ba • www.sfsa.unsa.ba

-Vijeće fakulteta-

Broj: 01/6-3112/25 V-2

Sarajevo, 06.10.2025. godine

ZAPISNIK

**SA I. REDOVNE SJEDNICE VIJEĆA UNIVERZITETA U SARAJEVU - ŠUMARSKOG
FAKULTETA ODRŽANE 06.10.2025. GODINE SA POČETKOM U 14:00 SATI**

Prisutni članovi:

prof. dr. Besim Balić, prof. dr. Zahida Ademović, prof. dr. Admir Avdagić, prof. dr. Mersudin Avdibegović, prof. dr. Muhamed Bajrić, prof. dr. Dalibor Ballian, prof. dr. Neđad Bašić, prof. dr. Dženan Bećirović, prof. dr. Faruk Bogunić, prof. dr. Azra Čabaravdić, prof. dr. Sabina Delić, prof. dr. Mirza Dautbašić, prof. dr. Dino Hadžidervišagić, prof. dr. Alma Hajrudinović-Bogunić, prof. dr. Velid Halilović, prof. dr. Emira Hukić, prof. dr. Aida Ibrahimspahić, prof. dr. Sead Ivojević, doc. dr. Jelena Knežević, mr. Ehlimana Pamić (predstavnik asistenata), prof. dr. Ahmet Lojo, doc. dr. Bruno Marić, doc. dr. Mirzeta Memišević Hodžić, prof. dr. Osman Mujezinović, prof. dr. Jusuf Musić, prof. dr. Fatima Pustahija, prof. dr. Dževada Sokolović, mr. Amila Brajić Kezija (predstavnik viših asistenata), prof. dr. Tarik Treštić, prof. dr. Ćemal Višnjić i prof. dr. Sead Vojniković.

Odsutni članovi:

Mirjem Alagić (student prodekan), mr. Damir Prljača (predstavnik studenata III ciklusa studija) - opravdano odsutan, Anes Haračić (predstavnik studenata II ciklusa studija) i Medina Džinović (predstavnik studenata I ciklusa studija) i Emina Uzunović (predstavnik stručnog nastavnog osoblja) - opravdano odsutna.

Ostali:

Delila Salihović – Mr. iur / Sekretar Fakulteta, Aldijana Bilajac - dipl.iur / viši stručni saradnik za pravne i administrativne poslove.

Sjednica je počela u 14:00 h.

Konstatovano je da na današnjoj sjednici prisustvuje 30 članova Vijeća fakulteta te da se mogu donositi punovažne odluke po dnevnom redu. Sjednicom je predsjedavao prof. dr. Besim Balić, Univerziteta u Sarajevu - Šumarskog fakulteta, na osnovu čije je saglasnosti, u skladu sa članom 9. stav (3) i članom 14. Poslovnika o radu Univerziteta u Sarajevu, članovima Vijeća fakulteta dostavljen putem e-maila poziv za održavanje I. redovne sjednice Vijeća fakulteta zakazane za 06.10.2025. godine.

Dnevni red je jednoglasno izglasan, nakon čega je razmatran sljedeći:

DNEVNI REDOM:

1. Razmatranje zapisnika sa XI. redovne sjednice Vijeća Univerziteta u Sarajevu - Šumarskog fakulteta održane dana 11.09.2025. godine;
2. Razmatranje zapisnika sa VIII. elektronske sjednice Vijeća Univerziteta u Sarajevu - Šumarskog fakulteta održane dana 18.09.2025. godine;
3. Razmatranje i usvajanje Izvještaja na raspisani Konkurs za prijem studenata u I (prvu) godinu II (drugog) ciklusa studija studijske 2025-2026. godine, I (prvi) upisni rok za odsjeke Šumarstvo i Hortikultura - Konačna rang lista;
4. Razmatranje prijedloga za realizaciju nastavnih aktivnosti za studente I (prve) godine II (drugog) ciklusa studija u akademskoj 2025-2026. godini na oba studijska programa.
5. Razmatranje ukupne prolaznosti studenata u akademskoj 2024-2025. godini na odsjecima Šumarstvo i Hortikultura, broj: 01/1-3092/25 od 30.09.2025. godine;
6. Razmatranje Zahtjeva za radni angažman u nastavnom procesu akademske 2025-2026. godine prof. dr. Neđada Bašića na Univerzitetu u Sarajevu - Poljoprivredno-prehrambenom fakultetu, broj: 01/1-2827/25 od 19.09.2025. godine;
7. Razmatranje Prijedloga izmjene i dopune Pravilnika o ostvarivanju i raspolaganju vlastitih prihoda Univerziteta u Sarajevu - Šumarskog fakulteta;
8. Razmatranje prijedloga:
 - a) Izvještaja komisije za ocjenu i odbranu završnog rada na drugom (II) ciklusu studija studentice Amne Gurde, broj: 01/1-3095/25 od 30.09.2025. godine,
 - b) Datuma i mjesta odbrane završnog rada; (utorak, 21.10.2025. godine, u Sali 102 s početkom u 12.00 sati), broj: 01/1-3095/25 od 01.10.2025. godine;
9. Informacije.

TOK SJEDNICE:

Ad-1.

Članovi Vijeća Univerziteta u Sarajevu - Šumarskog fakulteta usvojili su jednoglasno Zapisnik sa XI. redovne sjednice Univerziteta u Sarajevu - Šumarskog fakulteta broj: 01/6-2657/25-2 održane dana 11.09.2025. godine.

Ad-2.

Članovi Vijeća Univerziteta u Sarajevu - Šumarskog fakulteta usvojili su jednoglasno Zapisnik sa VIII. redovne sjednice Univerziteta u Sarajevu - Šumarskog fakulteta broj: 01/6-2782/25-2 održane dana 18.09.2025. godine.

Ad-3.

Na osnovu člana 69. Zakona o visokom obrazovanju („Sl. Novine Kantona Sarajevo“ broj: 36/22 i 28/25), člana 111. Statuta Univerziteta u Sarajevu (broj: 01-14-35-1/23 od 26.07.2023. godine i broj: 01-13-121-1/24 od 17.07.2024. godine), u skladu sa Konkursom za upis studenata u prvu godinu studija na Univerzitetu u Sarajevu u akademskoj 2025/2026. godini, a na prijedlog Komisije za provođenje postupka upisa studenata u prvu godinu I i II ciklusa studija na Univerzitetu u Sarajevu - Šumarskom fakultetu, prvi konkursni rok za II ciklus studija na Univerzitetu u Sarajevu - Šumarskom fakultetu, broj:

01/1- 3145/25 od 06.10.2025. godine, Vijeće Univerziteta u Sarajevu - Šumarskog fakulteta, na svojoj I. redovnoj sjednici Vijeća održanoj 06.10.2025. godine, donijelo je jednoglasno *s l j e d e ć u*

ODLUKU

Usvaja se izvještaj Komisije za provođenje postupka upisa studenata u prvu godinu I i II ciklusa studija na Univerzitetu u Sarajevu - Šumarskom fakultetu u akademskoj 2025/2026. godini u prvom konkursnom roku za II ciklus studija na Univerzitetu u Sarajevu - Šumarskom fakultetu sa Konačnom rang listom kandidata za upis u I (prvu) godinu II ciklusa studija (prvi upisni rok) za odsjeke Šumarstvo – studijski program Održivo upravljanje šumskim ekosistemima i Hortikultura – studijski program Pejzažna arhitektura, kako slijedi:

I

Na odsjek Šumarstvo - studijski program Održivo upravljanje šumskim ekosistemima se primaju 4 (četiri) kandidata na redovni studij, zaključno sa brojem 4 (četiri) na priloženoj rang listi.

II

Na odsjeku Hortikultura – studijski program Pejzažna arhitektura se prima 1 (jedan) kandidat na redovni studij, zaključno sa brojem 1 (jedan) na priloženoj rang listi.

III

Na objavljenu Preliminarnu rang listu sa prvog upisnog roka kandidata koji ispunjavaju uslove za upis na Univerzitet u Sarajevu - Šumarski fakultet nije bilo prigovora.

IV

Konačna rang lista kandidata za upis u I (prvu) godinu II ciklusa studija (prvi upisni rok), čini sastavni dio ove odluke.

Obrazloženje

Nakon isteka perioda za prigovore na Preliminarnu rang listu sa prvog upisnog roka kandidata koji ispunjavaju uslove za upis na Univerzitet u Sarajevu - Šumarski fakultet, te dostavljenog izvještaja Komisije za provođenje postupka upisa studenata u prvu godinu I i II ciklusa studija na Univerzitetu u Sarajevu - Šumarskom fakultetu u akademskoj 2025/2026. godini u prvom konkursnom roku za II ciklus studija sa Konačnom rang listom kandidata za upis u I (prvu) godinu II ciklusa studija (prvi upisni rok) za odsjeke Šumarstvo- studijski program Održivo upravljanje šumskim ekosistemima i Hortikultura – studijski program Pejzažna arhitektura, te konstatovanja da nije bilo prigovora, donesena je odluka kao u dispozitivu.

Ad-4.

Na osnovu člana 69. Zakona o visokom obrazovanju („Sl. novine Kantona Sarajevo“ br. 36/22 i 28/25), člana 111. Statuta Univerziteta u Sarajevu, broj: 01-14-35-1/23 od 26.07.2023. godine i broj: 01-13-121-1/24 od 17.07.2024. godine, u skladu sa članom 52. Pravilnika o radu Univerziteta u Sarajevu broj: 02-2-4-1/24 od 30.01.2024. godine), a u odnosu na Molbu za prilagodbu nastave studenata I (prve) godine II (drugog) ciklusa studija broj: 01/1-3116/25, te Prijedlog načina realizacije nastave na I (prvoj) godini II (drugog) ciklusa studija za oba studijska programa, upućenog od strane prodekana za nastavu, broj: 01/1-3118/25 od 03.10.2025. godine, Vijeće Univerziteta u Sarajevu - Šumarskog fakultet, na svojoj I. redovnoj sjednici održanoj 06.10.2025. godine, donijelo je jednoglasno *sljedeću*

O D L U K U

I

Vijeće Univerziteta u Sarajevu - Šumarskog Fakulteta usvaja Prijedlog načina realizacije nastave na I (prvoj) godini II (drugog) ciklusa studija za oba studijska programa, broj: 01/1-3118/25 od 03.10.2025. godine.

II

Raspored održavanja nastave za studente na I (prvoj) godini II (drugog) ciklusa studija, oba studijska programa, prilagođava se studentima i održava u popodnevnim satima (poslije 16.00 sati) uz prilagođavanje rasporeda nastave. Sam raspored izvođenja nastave utvrditi će prodekan za nastavu u saradnji sa profesorima.

III

Ova odluka stupa na snagu danom donošenja.

Obrazloženje

Raspored radnog vremena iz kategorije akademskog i naučnoistraživačkog osoblja utvrđuje se prema rasporedu nastave odnosno ostalim aktivnostima u okviru realiziranja nastavno-naučnog procesa, pa je u skladu sa navedenim donesena odluka kao u dispozitivu.

Ad-5.

Na osnovu člana 69. Zakona o visokom obrazovanju ("Službene novine Kantona Sarajevo" broj: 36/22 i 28/25), člana 111. i 185. stav (8) Statuta Univerziteta u Sarajevu (broj: 01-14-35-1/23 od 26.07.2023. godine i broj: 01-13-121-1/24 od 17.07.2024. godine), a u skladu sa članom 51. stav (1) Pravila studiranja za I i II ciklus studija, integrisani, stručni i specijalistički studij na Univerzitetu u Sarajevu, Vijeće Univerziteta u Sarajevu - Šumarskog fakulteta, jednoglasno je usvojilo sljedeću

O D L U K U

I

Usvaja se analiza ukupne prolaznosti u akademskoj 2024-2025. godini na odsjecima Šumarstvo i Hortikultura, broj: 01/1-3092/25 od 30.09.2025. godine.

II

Tabela 1. i 2. ukupna prolaznost u akademskoj 2024-2025. godini: odsjeci Šumarstvo i Hortikultura broj: 01/1-3092/25 od 30.09.2025. godine su sastavni dio ove odluke.

III

Odluka stupa na snagu danom donošenja.

Obrazloženje

Vijeće članice dužno je na sjednici na kraju akademske godine analizirati prolaznost odnosno uspješnost studenata na ispitima i donijeti mjere za poboljšanje kvaliteta nastave za narednu akademsku godinu, te je u skladu sa tim donesena odluka kao u dispozitivu.

Ad-6.

Na osnovu člana 69. Zakona o visokom obrazovanju („Sl. novine Kantona Sarajevo“ br. 36/22 i 28/25), člana 111. i 240. Statuta Univerziteta u Sarajevu, broj: 01-14-35-1/23 od 26.07.2023. godine i broj: 01-13-121-1/24 od 17.07.2024. godine, Vijeće Univerziteta u Sarajevu - Šumarskog fakultet, na svojoj I. redovnoj sjednici održanoj 06.10.2025. godine, donijelo je jednoglasno *sljedeću*

O D L U K U

I

Vijeće Univerziteta u Sarajevu - Šumarskog Fakulteta usvaja prijedlog angažmana akademskog osoblja shodno ukazanoj potrebi, na drugoj organizacionoj jedinici:

- Prof. dr Neđad Bašić, na Univerzitetu u Sarajevu - Poljoprivredno-prehrambenom fakultetu, na predmetu “Dekoratívna dendrologija” fond sati 30 P + 30 V u ljetnom semestru.

II

Odluka sa pratećim zahtjevom i obrascima se upućuje podnosiocu zahteva odnosno Univerzitetu u Sarajevu - Poljoprivredno-prehrambenom fakultetu, članu akademskog osoblja i Službi za ljudske resurse Univerziteta.

III

Ova odluka stupa na snagu danom donošenja.

Obrazloženje

Član akademskog osoblja može realizirati nastavni proces za studente druge članice Univerziteta, u skladu sa zakonom i statutom. Zahtjev za angažman na drugoj članici u okviru Univerziteta na propisanom obrascu podnosi dekan fakulteta na kojoj se vrši nastava, a odluku donosi vijeće koji istu prosljeđuje podnosiocu zahtjeva, članu akademskog osoblja i Službi za ljudske resurse Univerziteta. Kako je navedena procedura provedena donesena je odluka kao u dispozitivu.

Ad-7.

Na osnovu člana 69. tačka e) Zakona o visokom obrazovanju (“Službene novine Kantona Sarajevo”, broj: 36/22 i 28/25), člana 111. tačka d) Statuta Univerziteta u Sarajevu (broj: 01-14-35-1/23 od 26.07.2023. godine i broj: 01-13-121-1/24 od 17.07.2024. godine), a sve u skladu sa Pravilnikom o korištenju vlastitih prihoda Univerziteta u Sarajevu broj: 02-2-6-1/24 od 30.01.2024. godine, Vijeće Univerziteta u Sarajevu - Šumarskog fakulteta, na svojoj I. redovnoj sjednici održanoj 06.10.2025. godine donijelo je jednoglasno *sljedeću*

ODLUKU

O usvajanju Prijedloga izmjene i dopune Pravilnika o ostvarivanju i raspolaganju vlastitih prihoda Univerziteta u Sarajevu - Šumarskog fakulteta

I

Usvaja se Prijedlog izmjene i dopune Pravilnika o ostvarivanju i raspolaganju vlastitih prihoda Univerziteta u Sarajevu - Šumarskog fakulteta.

II

Prijedlog izmjene i dopune Pravilnika o ostvarivanju i raspolaganju vlastitih prihoda Univerziteta u Sarajevu - Šumarskog fakulteta je sastavni dio ove odluke.

III

Ova Odluka stupa na snagu danom donošenja.

Obrazloženje

Vijeće Univerziteta u Sarajevu - Šumarskog fakulteta je usvojilo Prijedlog izmjene i dopune Pravilnika o ostvarivanju i raspolaganju vlastitih prihoda Univerziteta u Sarajevu - Šumarskog fakulteta, prilagođavajući Pravilnik o ostvarivanju i raspolaganju vlastitih prihoda Šumarskog fakulteta Univerziteta u Sarajevu novom Pravilniku o korištenju vlastitih prihoda Univerziteta u Sarajevu broj: 02-2-6-1/24 od 30.01.2024. godine, te internim prijedlozima i stavovima članova Vijeća fakulteta povodom načina korištenja vlastitih prihoda.

Ad-8.

Na osnovu člana 69. stava (1) Zakona o visokom obrazovanju ("Sl. novine Kantona Sarajevo", broj: 36/22 i 28/25), člana 111. Statuta Univerziteta u Sarajevu, broj: 01-14-35-1/23 od 26.07.2023. godine i broj: 01-13-121-1/24 od 17.07.2024. godine, a u skladu sa članom 64. stav (6) i stav (8) Pravila studiranja za I, II ciklus studija, integrirani, stručni i specijalistički studij na Univerzitetu u Sarajevu, broj: 01-15-24-1/23 od 27. 09. 2023. godine i Odluke o izmjenama i dopunama Pravila broj: 01-1-174/25 od 29.01.2025. godine, Vijeće Univerziteta u Sarajevu - Šumarskog fakulteta, na svojoj I. redovnoj sjednici Vijeća održanoj 06.10.2025. godine, donijelo je jednoglasno *s l j e d e ć u*

ODLUKU

I

Prihvata se Izvještaj Komisije za ocjenu i odbranu završnog rada na drugom ciklusu studija studentice Amne Gurda, bachelor šumarstva na Univerzitetu u Sarajevu - Šumarskom fakultetu, pod naslovom: "Uticaj propisanog načina premjera i obračuna zapremine na privlačenje tehničkog oblog drveta" - isti evidentiran pod brojem: 01/1-3095/25 od 30.09.2025. godine.

II

Usvaja se predloženi termin i mjesto odbrane završnog rada 21.10.2025. godine, u Sali 102, Univerziteta u Sarajevu - Šumarskog fakulteta s početkom u 12:00 sati.

III

Ova odluka stupa na snagu danom donošenja.

O b r a z l o ž e n j e

Vijeće Univerziteta u Sarajevu - Šumarskog fakulteta je na svojoj VIII. redovnoj sjednici donijelo Odluku o imenovanju Komisije za ocjenu i odbranu završnog rada na drugom (II) ciklusu studija studentice Amne Gurda, broj: 01/6-573/23 od 23.02.2023. godine. Komisija za ocjenu i odbranu završnog rada je pozitivno ocijenila završni rad na drugom (II) ciklusu studija studentice Amne Gurda, te predložila Vijeću Univerziteta u Sarajevu - Šumarskog fakulteta da prihvati Izvještaj Komisije za ocjenu i odbranu završnog rada na drugom (II) ciklusu studija studentice Amne Gurda pod naslovom: "Uticaj propisanog načina premjera i obračuna zapremine na privlačenje tehničkog oblog drveta" i odredi vrijeme i mjesto odbrane završnog rada, na osnovu čega je odlučeno kao u dispozitivu ove odluke.

Ad-9.

Prof. dr. Mirza Dautbašić je obavijestio prisutne da će se u srijedu 08.10.2025. godine na našem fakultetu održati „Svjetski dan pluća“ sa početkom u 13 sati i 30 minuta, o čemu imaju informacije na web stranici te zamolio da svojim prisustvom podrže ovaj događaj, svi koji su u mogućnosti.

Prof. dr. Emira Hukić najavila je takođe da se planira konferencija koja će se održati u oktobru, za koju kolege iz Češke donose sredstva iz projekta. Ista je planirana u trajanju od 3 dana (20-22.10.2025. godine). Najavljeno je sedam predavača iz različitih oblasti, te popodnevne sesije koje će biti fokusirane na studente za koje su predviđene i nagrade. Takođe su predviđene i radionice za apliciranje na evropske projekte.

Prof. dr. Dženan Bećirović najavio je održavanje dvodnevne konferencije 17. i 18. decembra 2025. godine koju će organizovati Udruženje inženjera i tehničara BiH, na temu šuma i klimatskih promjena, očuvanja ekosistema i biodiverziteta.

Prof. dr. Ahmet Lojo je predložio da detaljnije informacije o navedenim projektima budu stavljene na web stranicu fakulteta. Prof. dr. Emira Hukić se pridružila sa informacijom da je nova web stranica puštena u funkciju, te da su za to zaslužnem kolegice doc. dr. Jelena Knežević i mr. Amina Karišik koje su obezbijedile sredstva iz projekta.

Redovna sjednica završena 06.10.2025. godine u 15:40 h.

Zapisničar:

Aldijana Bilajac, dipl. iur, viši stručni saradnik za pravne i administrativne poslove



Dekan

Prof. dr. Besim Balić